

VENDIM
Nr.912, datë 29.12.2004

PËR NJË SHITESË NË BUXHETIN E VITIT 2004, MIRATUAR PËR MINISTRINË E MBROJTJES

Në mbështetje të nenit 100 të Kushtetutës, të neneve 21 e 27 të ligjit nr.8379, datë 29.7.1998 “Për hartimin dhe zbatimin e Buxhetit të Shtetit të Republikës së Shqipërisë”, të ndryshuar, dhe të nenit 7 të ligjit nr.9165, datë 23.12.2003 “Për Buxhetin e Shtetit të vitit 2004”, me propozimin e Ministrisë të Mbrojtjes, Këshilli i Ministrave

VENDOSI:

1. Ministrisë së Mbrojtjes, në buxhetin e miratuar për vitin 2004, në artikullin 602 “Mallra dhe shërbime të tjera”, t’i shtohet një fond prej 50 000 000 (pesëdhjetë milionë) lekësh, për pajisjen e 1 (një) helikopteri, të tipit “AB-205”, për Forcat Ajrore të Republikës së Shqipërisë dhe vënien e tij në efikasitet, sipas programit të veçantë “Për pajisjen me helikopterë të Regjimentit të Helikopterëve”, të miratuar me vendimin nr.368, datë 5.6.2003 të Këshillit të Ministrave.

2. Ky fond të përballohet nga fondi rezervë i Këshillit të Ministrave.

3. Ministria e Mbrojtjes, nëpërmjet ndërmarrjes shtetërore “MEICO”, të hartojë, për këtë fond të konvertuar në USD, kontratën dypalëshe me shoqërinë “Augusta”, SpA, për realizimin e qëllimit të përcaktuar në pikën 1 të këtij vendimi.

4. Ngarkohen Ministri i Mbrojtjes dhe Ministri i Financave për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Fatos Nano